

QVODLIBETARIIS DISPUTATIONIBVS MANE DISCVTIENDA, IN SCHOLIS MEDICORVM, DIE
Iouis XXII. Ianuarij, Magistro PHILIPPO HARDVINO DE S. IAQVES Doctore Medico, Moderatore.

An pituita permixtione bilis vitellina?

MICROCOSMI totiusaeconomia duobus perficitur, & constat; nempe *ἐκ τῶν φερόμενων, καὶ ἐκ τῶν φερόμενων*: illud diuinum *ἀναλλοιωτὸν* semper itatiet; hoc vero ex elementorum discordi concordia genitum; vel *ἐκ τῶν στοιχείων τῶν ὁρίων διατεταγμένων* suis viribus ruit, vel *τῶν ἀλλοτρίων καὶ ἀλλοτρίων* alienis morborum quasi hostium incurfionibus acerrimis profternitur; cuius structuram vt complect, & absoluit perfectissima quatuor humorum symmetria, quum ipsi virtute & copia inter se iusticiae ritu quodam moderati; amico complexu vnâ miscentur: Sic eandem auget, incolumemque tuetur; sanguinis vitali spiritu (qui à naturali nec materiâ, nec formâ distinguitur) perfusi, à corde, & hepate: arteriarum quæ dilatantur, quia implentur, & venarum riuulis, in omnes partes diffusi perpetuus affluxus; hi enim sunt humanæ uitæ fontes, qui totum corpus irrigant, & in quibus anima quæ ad mortem vsque producit, suam habet permanfionem momento perituram, nisi insignis cerebri virtus accedat, quæ cordis insitum calorem moderato frigore nutriat.

HVMORVM vna, ac simplex non est idea, sed pro caloris efficientis robore, & assumpti alimenti materiâ, varîæ ac multiplices eorum assignantur differentia, quarum vnaquæque singulis anni tempestatibus qualitaturn similitudine affinis est, & amica: vèrum tempus, vt moderatum calorem gratiofo humore permixtum continet, sic infinita morborum comitante caterua *ὁμοιοπαθειῶν* se præbet, calidique & humidi succi vitæ propagandæ accommodatissimi, luxuriantem copiam profert; cui ex aduerso opponitur frigida illa, & sicca maximeque *ποσειδῶν* autumni tempestas, vitæ principis non minus infensa, quàm in melancholici humoris propagatione liberalis, ac libera: hinc febres quartanæ Saturni filia, tunc temporis longissimæ, omnium tamen securissimæ, apparent: ætatis calore feruido ignis *τῆς ἐκείνης* primas tenent; vt vice versa hyemis algore summo aquæ *τῆς χειμῶνος*, & ignis *τῆς ἀνοιῆς* in cætera dominantur, huius aquæ pituita, illius vero ignea bilis soboles est eximia.

BILE, & pituita morbi omnes hominibus contingunt; vnaque vel naturæ merito vel morbi alicuius vitio; aut per simplicem *ἀνατροπὴν*, aut per alterius succi *καταμύχνησιν*, oboritur: dulcis pituitæ primarius opifex censetur ventriculi innatus calor, qui immoderatio factus putridam, & salfam gignit; illa temporis successu coquitur, & in viuens substantiam demutatur: hæc quo diutius in partibus moram trahit, eo magis ipsis infensa redditur, nec aliter in humano corpore, quam multorum capitum bellua in Lerna palude, vicina quæque sui contagij labe inficit, ac pro vario putredinis fôco multa, & grauissima infert symptomata: in ventre aluinam dysenteriam doloris acerbitate, & curationis difficultate calamitosam mouet: in hepate, & vasis ardentem febrem accendit: in pulmonum rara, ac spongiosa substantia; maligni vlcis feritate grauem, ac tetrum spiritus odorem, nec non corporis totius viuifico neectare defraudati tabificum liuorem affert: demique in mentis arce Regiâ, sola quidem lethargum; bile vero perfusa biceps monstrum (quod *τυφομενίας* dicunt) gignit.

BILI S vt multiplex, ita multiplicem, ac varium generationis locum obtinet: quædam in ventre, & præcordiis; quædam in ipso hepate, & eius vasis producit: cuius in cerebrum *ἀνατροπὴν* phrenitidem, aut apoplexiam pro varia quam occupat mansione inducit: hæc *φλογώδης*, potius quam *εὐχέλ* febrem ardentem mouet; quæ pallida nuncupatur tenuis, & aquei humoris permixtione consistentiâ, & colore dilutior euadit: quæ oui crudi luteum coloris, & substantiæ similitudine referens *λεωχρόν* appellatur, flauæ bilis partium tenuiorum dissipatione sobolescit: eadem prorsus ratione quæ dulcis pituitæ consumptis à putrido calore portionibus aqueis, terreisque adustis falsa fieri creditur. Salsi & amari saporis tanta est qualitaturn sympathia, & substantiarum affinitas, vt inferior ille dum siccioris, & magis intensi caloris vehementiores impetus sustinet, ad hunc superiorem, *μεταβολὴν* faciat: hinc pituitosus ille humor, cuius præsentia oris internæ partes perfunduntur, pri mum quidem alimento deficiente, faldedinis; postea verò ingrauescente inagis calore, amaroris sensum inducit.

VT TENVI, & aqueo humore temperata flaua bilis, dilutam substantiæ consistentiam vnâ cum remisso calore, & diluto colore acquirat, pallidæque nomen assumit: ita crassioris alicuius succi, & calidioris (qualis est falsa pituita) permixtione nouum temperamenti, & substantiæ modum consequi nihil vetat, quo ouorum crudis vitellis prorsus euadat similis: humorum enim (cum ipsi dicantur propria hominis elementa, totis per tota inuicem contemperata, & ex quatuor mundi primordiis composita) facilis est ab vno ad alterum transitus: potissimumque si ab ortus sui principis infusa ad mutationem potentia agentis viribus facile cedat, nec numeroque intercedat mutatio, egeat: nam quibus est similis substantia, iis mutari inter se fas est, sic sanguis exigua alterationem consequutus tum viscerum omnium, tum musculorum carni in alimentum cedit, ossibus nutriendis antequam medullæ naturam assumeret, ineptus.

Ergo pituita permixtione bilis vitellina.

Asserebat Lutetia, Guillelmus Gyon, Parisinus. A. R. S. M. D. C. X. V.

DOMINI DOCTORES DISPUTATVRI.

M. Franciscus Guenault.
M. Michaël Francier.
M. Ioannes Merlet.

M. Stephanus de la Fon, Prof. Reg.
M. Carolus Bouard.
M. Claudius Charles, Prof. Reg.

M. Iacobus Letus.
M. Ioannes Riolan, Prof. Reg.
M. Andreas le Gros.

